

十朝东华录

咸丰朝

第九卷
第九册

咸

江苏工业学院图书馆

藏书章

豐

朝

光緒二十五年

仿泰西法石印

咸豐一

起道光三十年正月丁未盡二月

咸豐二

起道光三十年三月盡四月

咸豐三

起道光三十年五月盡六月

咸豐四

起道光三十年七月盡八月

咸豐五

起道光三十年九月盡十月

咸豐六

起道光三十年十一月盡十二月

咸豐七

起咸豐元年正月盡二月

咸豐八

起元年三月盡四月

咸豐九

起元年五月盡六月

咸豐十

起元年七月盡八月

咸豐十一

起元年九月盡十月

咸豐十二

起元年十一月盡十二月

咸豐十三

起二年正月盡二月

咸豐十四

起二年三月盡四月

咸豐十五

起二年五月盡六月

咸豐十六

起二年七月盡八月

咸豐十七

起二年九月盡十月

咸豐十八

起二年十一月盡十二月

咸豐十九

三年正月

咸豐二十

三年二月

咸豐二十一

三年三月

咸豐二十二

三年四月

咸豐二十三

三年五月

咸豐二十四

三年六月

咸豐二十五

三年七月

咸豐二十六

三年八月

咸豐二十七

三年九月

咸豐二十八

三年十月

咸豐二十九

三年十一月

咸豐三十

三年十二月

咸豐三十一

四年正月

咸豐三十二

四年二月

咸豐三十三

四年三月

咸豐三十四

四年四月

咸豐三十五

四年五月

咸豐三十六

四年六月

咸豐三十七

四年七月

咸豐三十八

四年閏七月

咸豐三十九

四年八月

咸豐四十

四年九月

咸豐四十一

四年十月

咸豐四十二

四年十一月

咸豐四十三

四年十二月

咸豐四十四

五年正月

咸豐四十五

五年二月

咸豐四十六

五年三月

咸豐四十七

五年四月

咸豐四十八

五年五月

咸豐四十九

五年六月

咸豐五十

五年七月

咸豐五十一

五年八月

咸豐五十二

五年九月

咸豐五十三

五年十月

咸豐五十四

五年十一月

咸豐五十五

五年十二月

咸豐五十六

六年正月

咸豐五十七

六年二月

咸豐五十八

六年三月

咸豐五十九

六年四月

咸豐六十

六年五月

咸豐六十一

六年六月

咸豐六十二

六年七月

咸豐六十三

六年八月

咸豐六十四

六年九月

咸豐六十五

六年十月

咸豐六十六

六年十一月

咸豐六十七

六年十二月

咸豐六十八

起七年正月盡二月

咸豐六十九

七年三月

咸豐七十

起七年四月盡五月

咸豐七十一

七年閏五月

咸豐七十二

七年六月

咸豐七十三

七年七月

咸豐七十四

七年八月

咸豐七十五

七年九月

咸豐七十六

七年十月

咸豐七十七

起七年十一月盡十二月

咸豐七十八

起八年正月盡三月

咸豐七十九

八年四月

咸豐八十

八年五月

咸豐八十一

起八年六月盡七月

咸豐八十二

八年八月

咸豐八十三

八年九月

咸豐八十四

起八年十月盡十二月

咸豐八十五

起九年正月盡三月

咸豐八十六

起九年四月盡五月

咸豐八十七

起九年六月盡七月

咸豐八十八

起九年八月盡九月

咸豐八十九

起九年十月盡十二月

咸豐九十

起十年正月盡三月

咸豐九十一

十年閏三月

咸豐九十二

十年四月

咸豐九十三

十年五月

咸豐九十四

十年六月

咸豐九十五

十年七月

咸豐九十六

起十年八月盡九月

咸豐九十七

起十年十月盡十二月

咸豐九十八

起十一年正月盡二月

咸豐九十九

起十一年三月盡四月

咸豐一百

起十一年五月盡七月癸卯

成豐東華錄一

臣王先謙敬編

臣陶澐宣恭校

文宗顯皇帝 宣宗第四子也 母孝全成皇后鈕祜祿氏原任乾清門二等侍衛世襲二等男追封承恩公頤齡之女淑慎安

仁慈恭儉事 宣宗成皇帝恪襄內治懋著坤儀以道光十一年辛卯六月初九日丑時誕 上於御園之湛靜齋後更為基福堂

是也 上生有聖德神志內充發音響洪舉步嶽重十四年甲午三月 宣宗成皇帝恭謁 昌陵隨侍行禮 御製詩曰初攜幼

子祈 慈佑並識語云祥呈姬媵福衍孫枝 慈佑無疆欣感曷其有極益 懇勸鞠育隱然以 祖武克繩默祈 詒翼 天章

流播已可知 聖心之所屬焉六齡就傅受書於洗馬杜受田 聰明天寶學問日新經史淹通 聖藻炳蔚 履信書屋詩文

有卷帙雖 宸脩念典不尚詞章而 春苑行蒐則歌廣吉日 靈壇展祀則句詠同雲援筆成吟胥垂典則陳經偶暇練藝習

常製槍法二十八勢曰棣華協力刀法十八勢曰寶鏑宣威皆 宣賜名 上在潛邸時與恭親王奕訢所講肄者博 慈顏之

愉悅助同氣以匡襄惟 孝惟 友乃 武乃 文非甚 盛德其孰能與於斯二十年庚子正月當 孝全成皇后大事悲深罔

極擗踊哀傷 宣宗俯鑒胞誠每值忌辰周年必 命躬親行禮用展孝思 上孺慕銜悲屢形章什二十餘年如一日焉二十六

年丙午六月十六日 宣宗遵密建 家法 親書 上名緘置祔璽立儲貳越戊申祈穀大祀特 命恭代行禮由是 北郊

禮神則代陳琮幣 東陵敷土則代謁 橋山以至 太廟薦新 奉先展拜寅承主鬯 聖眷日加隆矣二十八年戊申二月辛

未 賜成大婚禮是為 孝德顯皇后三月 宣宗恭謁 西陵至龍泉峪 大殿召 上至 御座旁命讀 硃諭藏諸東楹蓋

聖意深遠默定 陵名亦以付託得人俾無忘 先志 上格遵 遺訓恭鑄諸 慕陵石牌坊南善繼善述益見 聖人大孝

十月癸卯 宣宗幸 上所進膳 上捧觴鞠脰怡色趨承問視婉愉 歡心允愜二十九年己酉十二月乙亥 孝德顯皇后升

遐適值 孝和睿皇后大事時 宣宗聖壽臻古稀矣銜哀積慕 聖體違和馴致大漸 上親承 顧命寅紹丕基用是憂海歸

心天人協應貽萬億年無疆之麻焉○道光三十年庚戌春正月甲午朔越丁未 宣宗成皇帝賓天時 宣宗居圓明園慎德堂

苦大卯刻召宗人府宗令載銓御前大臣載垣端華僧格林沁軍機大臣穆彰阿賽尚阿何汝霖陳宇恩李芝昌內務府大臣文豐

宣示 硃諭立皇四子 為皇太子午刻 宣宗疾大漸 上哭詣慎德堂少頃 宣宗升遐 上稽顙哀慟呼號辨踊無算扈從

竟日水漿不入口羣臣伏地環跪懇 上節哀 上悲慟不能自近臣等遵奉 硃筆遺旨請 上卽正尊位 上恭視小殮畢奉

大行皇帝靈駕進城戌刻奉安於乾清宮西次間亥刻 上敬視大殮畢奉安 梓宮於乾清宮正中行殮奠禮 上呼號哭泣

几筵前供奠三次○諭內閣朕受 皇考大行皇帝鞠育訓誨已左右皆弗忍仰視 上以上書房為倚廬席地寢苦每日詣

深恩昊天罔極 聖壽年屆七旬精神強固方謂期頤可卜爰日彌長上年入夏以來偶爾違和雖氣體稍遜於前猶復 躬親視

事內外奏牘披覽如常嗣因 皇祖妣大事哀慕踐瘠以致氣血大虧本日卯刻力疾召見宗人府宗令御前大臣軍機大臣內務

府大臣親降 硃諭立朕爲皇太子 聖訓周詳諄諄以國計民生爲念朕痛哭受命哀迫戰兢方冀朝夕有所稟承 慈躬稍節

勞勩永保康和詎意親奉 顧命後病勢增劇遂致大漸 龍馭上賓搶地呼天攀號莫及敬思 皇考御宇三十年宵旰憂勤萬

幾鮮暇舉凡敬 天法 祖勅政愛民文德武功不可殫述至於 覃敷閭澤軫念痾瘵各直省偶遇偏災發帑蠲租 恩膏立沛

以及籌思積貯庫防無非爲保衛蒼生之計 深仁淪浹凡有血氣者其悲哀自必出於至誠朕泣血椎心尙忍言乎惟念付

畀至重凡所以勉紹 前猷仰承 先志者實藐躬之責營營在疚惶懼日深朕忍痛抑哀兢兢業業尙賴內外文武大小臣工共

矢公忠弼予邇治至喪服之制欽奉 皇考遺詔令依舊制二十七日而除朕心實所不忍仍當恪遵古制敬行三年之喪庶幾稍

盡孺慕之誠至於 郊 廟祭祀大典自不應因大喪而稍略其禮其應如何遣官恭代及親詣行禮之處著各該衙門查照向例

集議以聞其天下臣民應持服制仍照定例行○命禮親王全齡定郡王載銓吏部尚書文慶工部尚書特登額恭理喪儀○戊申

諭內閣載銓文慶見已改派恭理 大行皇帝喪儀前經派令前往 昌西陵備料興工之處著改派魏元烜吉倫泰會同靈桂彭

綱章前往敬慎將事○諭據鄭祖琛奏剿捕楚匪疊獲勝仗見仍嚴密訪捕一摺湖南餘匪竄入楚粵之交叢山峻嶺東突西衝勢

甚猖獗經該撫督飭文武員弁疊次殲擒屢獲勝仗該匪等無路可奔逃回深崗尙復踞險以守當此賊窮窮蹙正可乘機追剿以

期淨絕根株前有 旨令裕泰帶兵督辦不日當可抵界著鄭祖琛仍嚴飭文武員弁會同楚兵分路督剿其要隘處所確探路徑

奮力夾攻首犯李沅發及緊要各犯久稽顯戮務卽設法搜擒毋令漏網○添派睿親王仁壽瑞郡王奕誌戶部左侍郎阿靈阿工

部左侍郎翁心存恭理喪儀○已酉諭內閣朕恭讀 硃諭遺命四條內除無庸建立 聖德神功碑及斟酌各件供奉收貯謹當

遵行外至 諭令無庸 郊配 廟附二條事關尊崇鉅典朕不忍遽從不敢遽定著王大臣會同九卿翰詹科道敬謹詳晰妥議

具奏○諭 大行皇帝梓宮理宜殯宮移奉因念圓明園爲 皇考多年聽政之地況 皇祖妣梓宮見暫奉綉春園自以近依

慈靈乃隱慰 在天之孺慕雖乾隆年間有正大光明殿不可改換黃瓦之 諭然禮貴因時孝先承志謹卽定於圓明園正

大光明殿敬設 几筵獨吉二月初二日卯時舉行奉移典禮所有應行事宜著各該衙門敬謹豫備俟奉移後朕卽以圓明園之

飛雲軒爲倚廬以便朝夕侍奠用申哀惻 庚戌諭內閣朕惟自古帝王功德丕著必有隆稱顯號昭示無窮此萬世不易之典也

欽惟我 皇考大行皇帝御宇三十年來寅畏嚴恭憂勤惕勵每歲 郊壇大祀 躬親昭格展敬 陵 廟盡制盡倫遇 皇祖

考仁宗睿皇帝 皇祖妣孝淑睿皇后忌辰必追感流涕孺慕終身侍奉 皇祖妣大行皇太后娛志承歡尊養兼至 大孝肫誠

貫于古所未有至於 聖謨廣運勤勞萬幾 御極之初卽頒 手諭嚴聲色貨利之誠一切游觀玩好概從屏斥自居潛邸 智

勇邁倫 躬御神槍殲除賊匪嫺騎射而發必中的詰戎兵而備禦不虞賊定西陲剿擒逆裔四城克復一鼓蕩平綏藩服而環

偕來柔遠人而烽煙永息愛民如子一視同仁偶值偏災恩膏立沛蠲租發粟惠澤流肆赦省刑好生德治整飭吏治敦睦宗支

獎忠節而篤勸者育人才而厚風俗 天心助順有感必通眾志成城無思不服凡此難名之美善宜揚盛典於 尊親願予冲人

嗣膺大統雖 聖德極謙冲之致而永懷承 佑啟之恩詳考章宜升 諡號著大學士九卿敬謹擬議以聞○諭各省督撫鹽

關向有進呈方物朕見在諒陰之中食處皆所不安著通諭各省督撫鹽政織造關差等一應貢獻概行停止卽食品亦不准進呈

俟三年之後再候諭旨○諭朕弟奕訢著封爲恭親王奕訢著封爲醇郡王奕訢著封爲鍾郡王奕訢著封爲孚郡王百日釋服後

俱加恩准其戴用紅絨結頂冠朝服蟒袍俱准用金黃色○命議行三年喪御羣臣以日易月之請○諭道光二十六年二月 皇

考特降 諭旨以一名不偏諱將來繼體承緒者上一字仍舊庸改避亦無庸缺筆其下一字應如何缺筆之處臨時酌定以是

著爲合典朕敬遵 成命將御名上一字仍舊書寫毋庸改避下一字著缺寫末一筆書作訃字以示改避之意其奉旨以前所刻

書籍俱無庸議○諭止各省將軍督撫提鎮及學政監關織造等來京叩謁 梓宮○諭扎薩克等處游牧蒙古王公台吉等及回

子伯克俱免來京○辛亥諭內閣朕惟致孝務極夫尊崇隆稱必臻夫美備欽惟 孝穆皇后 孝愍皇后 孝全皇后作配 皇

考懋著坤儀 孝全皇后誕育朕躬親承顧復 懿德咸孚於宮壺 徵音示式乎邦家朕追念 恩慈彌殷感慕茲茲上 皇考

大行皇帝尊諡宜並追崇敬上 尊諡用展孝思式垂萬禩該衙門詳察典禮具奏○諭朕長兄大阿哥早年薨逝 皇考深爲悼

惻蒙 恩追封多羅貝勒今朕嗣承大位緬維同氣倍切愴懷著晉封爲郡王其有應行典禮著宗人府會同禮部內務府酌議具

奏○諭軍機大臣等據馮德馨奏餘匪竄回湖南添派官兵堵捕一摺前已有 旨交裕泰馳往督辦矣又據奏稱拏獲癩子山糾

搶匪徒首夥多名著馮德馨嚴行究審從重懲辦並著督飭文武員弁將該處山內藏匿及竄逸他處各餘匪認真搜捕務期全數

弋獲不准一名漏網以期盡絕根株儻捕拏不力致畱餘孽貽患將來一經發覺該督等其何以副 大行皇帝簡任厚恩耶將此

由四百里諭令知之○壬子以王大臣等援喪服舊章籲請定編素百日仍素服二十七月○癸丑頒 大行皇帝遺詔○諭內閣

朕長兄大阿哥昨已降旨追封郡王因思二阿哥三阿哥早年殤逝均係朕兄誼切同懷追念實深悼惻二阿哥三阿哥均著追封

爲郡王應行典禮著宗人府會同禮部內務府酌議具奏○甲寅諭內閣 皇貴妃侍奉 皇考淑慎素著允宜加崇稱號以申敬

禮謹尊封爲 康慈皇貴太妃所有應行典禮各該衙門察例豫備屆期獨吉舉行○諭 皇考大行皇帝妃嬪承侍宮闈恪恭淑

慎均宜加崇位號以表尊榮 琳貴妃謹尊封爲 琳貴太妃 常貴人晉封爲常嬪 佳貴人晉封爲佳嬪 彤貴人晉封爲彤

嬪 成貴人晉封爲成嬪 祥貴人晉封爲祥嬪 順常在晉封爲順貴人 蔡答應 向答應 李答應 那答應並晉封爲常

在 所有應行事宜著各該衙門察例具奏○諭惇郡王奕誼著加恩在內廷行走百日釋服後仍准其戴用紅絨結頂冠朝服蟒袍

俱准用金黃色○乙卯 上詣 大行皇帝几筵前行殷奠禮○諭內閣 如皇貴妃承侍 皇祖多年晏經 皇考加崇位號見

在 年齒最尊允宜特晉隆稱以申敬禮謹尊封爲 如皇貴太妃所有應行事宜該衙門察例具奏○諭上年南河吳城七堡啟閉

不能如法以致河湖受淤軍船回空遲滯當將河督楊以增等一併交部嚴加議處經該部分別議以降調革職仍令福濟等將是否不誤歸次情形詳查覆奏茲據奏稱回空軍船見均陸續歸次受兌比較嘉慶十四五年新清尚可趕辦並將各河挑挖深通俾清水易於攻刷楊以增著加恩改爲降四級留任陸建瀛著加恩改爲降二級留任均不准其抵銷准揭道查文經著卽照部議革職並照該侍郎等所議工費分別開銷罰賠另片奏參各員等語所有玩視塘河要工又復遲誤之署外南營豐北守備張上著卽革職柳示河干以昭儆戒督催不力之參將呂邦治遊擊安振業均著交部議處署外南同知海阜同知婁晉於灌塘事宜尙能慎重無誤其前參暫行革職之案著加恩開復○諭年班來京之御前行走科爾沁土謝圖親王等二十七日釋服後卽回原牧○戊午頒 大行皇帝遺詔於朝鮮琉球暹羅越南緬甸等國○己未 上卽皇帝位於太和殿遣官告祭 天地 太廟 社稷是日詣 大行皇帝梓宮前行祭告禮更禮服詣弘德殿 皇貴太妃前行禮出御殿受朝頒詔天下以明年爲咸豐元年加恩中外罪非常赦所不原者咸赦除之○庚申大學士九卿等恭擬上 大行皇帝 尊諡徽稱曰 效天符運立中體正至文聖武智勇仁慈儉勤孝敏成皇帝 廟號曰 宣宗天下萬世稱曰 宣宗成皇帝奏入 上曰廷臣所擬詳慎公允於 皇考建中立極之宏模洵相符合深協朕懷○諭內閣朕惟禮先報本微稱務極乎尊崇義在制宜孝思不過夫典則雍正十三年 皇曾祖高宗純皇帝恭加上 列聖 列后尊諡曾欽奉 聖諭崇先特典後世子孫不得奉爲成式是以我 皇考大行皇帝於嘉慶二十五年恭加上 列聖 列后尊諡於 列聖尊諡已加至二十二字者未敢復議加上 列后尊諡已加至十六字者亦未敢復議加上朕紹承大位祗遵 成憲敬念 詒謀其有 列聖尊諡未加至二十二字 列后尊諡未加至十六字者均宜恭議尊崇顯揚盛美該衙門詳稽典禮敬擬奏聞尋奏 仁宗睿皇帝尊諡謹擬經武下加光裕二字曰 仁宗受天興運敷化綏猷崇文經武光裕孝恭勤儉端敏英哲睿皇帝 孝賢純皇后尊諡謹擬徽恭下加康順二字曰 孝賢誠正敦穆仁惠徽恭康順輔天昌聖純皇后 孝儀純皇后尊諡謹擬端恪下加敏哲二字曰 孝儀恭順康裕慈仁端恪敏哲翼天毓聖純皇后 孝淑睿皇后尊諡謹擬慈懿下加敦裕二字曰 孝淑端和仁莊慈懿敦裕光天佑聖睿皇后得旨是○諭朕紹承大位自應敬避 皇考大行皇帝聖諱惟宮殿廟宇舊名及省郡州縣名印宜如何分別避易之處著禮部詳慎妥議具奏○諭朕元妃薩克達氏應追封爲皇后所有應行典禮該衙門察例具奏○癸亥諭內閣王大臣會同戶部還議清查各省倉庫章程著照所擬辦理惟有治法貴有治人各直省州縣經此次清查以後自應痛除積習力杜新虧但恐不肖官員以爲寬其既往妄冀恩可倖邀圖便已私仍前飲法何以肅綱紀而儆官常特再明諭各督撫大吏督率藩臬道府正己率屬隨時認真稽覈不憚煩勞不避嫌怨查有劣員因循玩泄漸致新虧視憲典爲具文者卽嚴行參辦儻該督撫等毫無覺察或甘爲徇庇經朕訪聞確實不但本員應置重典定將該督各上司從重治罪朕惟知仰遵 諭旨法在必行決不寬貸也將此通諭知之

二月甲子朔 上詣

大行皇帝梓宮前行啟奠禮○乙丑移奉 大行皇帝梓宮於圓明園正大光明殿 上哀號瞻戀不忍暫

離每日親詣奠獻奉

皇貴太妃居永春室 上居飛雲軒苦次每日恭詣問安○丙寅大學士穆彰阿等遵旨謹擬崇上 孝穆

皇后尊諡曰

孝穆溫厚莊肅端誠孚天裕聖皇后 孝愼皇后尊諡曰 孝愼懿肅哲順和懿熙天詒聖皇后 孝全皇后尊諡

曰

孝全慈敬寬仁端慈符天篤聖皇后得旨是○遣官祭 歷代帝王陵 孔子闕里 長白山 松花江 五嶽 四鎮 四

瀆○

潘江蘇丹徒丹陽二縣運河○戊辰添派左都御史柏茂內務府大臣基溥恭辦 昌西陵工程○己巳 上詣正大光明殿

大行皇帝几筵前行初祭禮○

論內閣朕泣讀 皇考大行皇帝祿筆遺諭訓誡精詳懇至伏誦悲愴慟深五中 諭令毋庸升

配升附二條事關明禋鉅典天下萬世觀瞻所繫是用博諮廷議令王大臣等會同九卿翰詹科道詳考典禮務求至當茲據集議

以聞事稽周人郊祀后稷以來唐宋及明或三祖並侑或數帝分配我朝 聖 聖相承均經升配 郊壇永崇禮祀第配位遞增

而 壇壝之規制有定敬釋 硃諭若世世視為成例率行無已豈止有背於古訓更難示信於後人再四籌思不能不定以限制

仰見 聖德謙光超邁前古而所以為萬世慮者至深且遠今禮親王全齡等所奏謂宜仍遵 列聖成憲朕詳加披閱因思尊崇

之典莫大於嚴 父配 天如我 皇考之德澤彌綸同符 列祖而遽停升配雖係仰遵 遺命朕心究有難安展轉詳思應照

王大臣所請 郊壇大祀俟嗣 廟禮成後恭奉 皇考神牌升配並曲體 遺訓定以限制嗣後 郊祀配位應億萬年總以

三祖 五宗為定自朕躬而下不復舉行並恭錄 皇考硃諭首條及朕此次諭旨懸奉 南郊齋宮垂示久遠著為成式世世遵

循罔數萬不准再議更張則非徒朕克展孝思實於 皇考之功德允稱而於 貽謀垂裕訓迪周詳之意亦庶可稍慰矣禮經三

昭三穆與太祖之廟而七宋儒朱子謂百世不祧之廟如周之文武世室商之成湯三宗不在數中則天子七廟特禮之常制非合

不祧之室而言我 皇考功德隆盛允宜祔 廟稱宗應恭俟 山陵禮成後祫奉 神主升附以致孝享而盡尊崇凡此仰稽

舊典俯順輿情 聖謨洋洋萬世所當效法而朕權衡審慎務求協乎天理人情之至以下副四海臣民尊親愛戴之公心惟我

皇考在天之靈當亦默垂鑒格也所有應行典禮各該衙門屆時敬謹詳察具奏將此宣諭中外知之侍郎曾國藩所奏頗有是處

其餘京堂及科道等所奏各抒己見殊少折中各摺均著發還○怡親王載垣等奏召對時與陳孚恩語言辯論舉措失儀自請嚴

議得旨爾等雖失小節究屬忠愍之誠陳孚恩雖為廣言起見於大體實屬乖謬仁壽載銓載垣端華僧格林沁陳孚恩均著一併

交各該衙門議處尋議上得旨仁壽等著罰俸六箇月准其抵銷陳孚恩著降三級留任准其抵銷○庚午 上詣綺春園迎驛殿

大行皇太后几筵前供奠越庚辰乙丑己亥皆如之○辛未 上詣正大光明殿 大行皇帝几筵前行大祭禮自是開日親詣

奠獻○論內閣朕仰承 皇考付託之重兢兢圖治深恐幾務紛繁措置未能悉當敬念 列聖御極以後俱頒 詔旨求言蓋一

人之聰明智慮或自未周必公聽並觀而後上下之情通措施可期於允協矧朕德薄何敢不虛衷延納博採謠言特此通行曉諭

凡九卿科道有奏事之責者於用人行政一切事宜皆得據實直陳封章密奏俾庶務不至失理而民隱得以上聞諸臣務須虛公
 詳慎毋偏毋私凡有裨於官方吏治國計民生者各抒所見切實論奏以副朕集思廣益之至意○諭軍機大臣等所有道光二十
 年以前緣事降調革職及遣戍釋回已未錄用文武各廢員除業經病故及已復原官者毋庸議外餘著該部查明原案開具簡明
 事由分繕清單呈覽○壬申諭內閣朕恭讀 大行皇帝祇謁 西陵時畱貯 龍泉峪正殿存記奉 硃筆敬瞻東北永慕無窮
 雲山密邇嗚呼其慕與慕也欽此仰見我 皇孝感念松楸孝思不匱用垂 遺訓昭示來茲朕抱痛終天期先繼 志望 佳城
 而悲愴觀 手澤之如新尋繹再三彌深感慟所有 龍泉峪陵名應即敬稱 慕陵朕當和淚濡墨敬謹書寫命武英殿選工鐫
 刻以彰 聖孝而慰 先靈○癸酉諭軍機大臣等向來奉安 山陵例由禮部奏派大臣官員前往守護恭查道光二十八年欽
 奉 上諭此例著永遠停止交軍機大臣敬謹存記著傳知禮部略遵辦理○諭本日據裕泰奏馳奏查探逆匪竄赴廣西裹脅漸多
 見派官兵分投迎剿又據鄭祖琛奏湖南匪徒竄入粵境見在籌辦情形各一摺並據鄭祖琛片奏咨會湖南貴州分投截剿等
 語此次湖南匪徒滋事先經竄入廣西經該省官兵擊退竄回若使湖南兵勇得力何至復由城步翻山竄至龍勝一帶因思該匪
 等如此竄擾實由湖南省文武各官圍捕不密所致目下匪黨益肆兇殘湖南員弁尚皆觀望不前而粵省文武乃能不分畛域越
 境窮追以致瑪隆阿奮勇捐軀湖南各官捫心自問其能視顏無愧乎見在該匪等四路奔竄該處山徑叢雜若非各省協力兜拏
 必致乘間逃逸裕泰接奉此旨務當激發天良會同鄭祖琛督飭兵弁激勵紳勇解散脅從併力夾攻其龍勝一帶見無提鎮大員
 著廣西提督閔正鳳即日馳往以期堵剿得力至湖南之長安堡等處可通懷遠之沙宜並通貴州永從等處該匪已欲覓路逃往
 尤不可不嚴為防堵並著喬用遷遴選委員弁在於界連湖南地方督率兵勇認真堵截斷不可令其竄逸本日已有旨將向榮調補
 湖南提督計日可到至永州鎮一缺裕泰即於孫應照谷縕燦二員內揀選奏請補用裕泰統轄兩省當此防剿失機匪蹤日肆之
 時若再不奮力殲擒致使蔓延為害該督其何顏以對鄰封文武及兩省士民耶鄭祖琛喬用遷久任封圻目擊鄰匪衝突亦必憤
 切同仇協剿不遺餘力當無俟朕諄諄告誡也將此由四百里諭知裕泰鄭祖琛喬用遷並諭令閔正鳳向榮知之○以調度乖方
 革湖南提督英俊永州鎮總兵官雙德等職仍留剿賊○子廣西陣亡參將瑪隆阿祭葬世職○甲戌 上詣綺春園迎暉殿 大
 行皇太后几筵前行再周月祭禮○乙亥頒闕里文廟暨太學各省府州縣學 御書扁額○丙子 詔開恩科於咸豐元年舉行
 鄉試二年舉行會試○丁丑 上詣正大光明殿 大行皇帝几筵前行周月祭禮○諭內閣直省司道府廳州縣以及營伍員弁
 內各督撫見聞所及隨時察看自必知之最悉如查有才德兼優誠心任事確有實據者著出具切實考語秉公具摺酌保數員候
 朕簡用歷任後除公罪不論外如有作奸犯科身罹私罪惟該保之督撫是問其有貪婪不法以刻為明或年老昏愎不能辦事者
 亦著據實奏參不准姑容爾督撫等均受 皇考深恩簡用封疆大吏各矢公忠為國為民毋稍瞻徇冒濫用副朕整飭官方至意

○戊寅諭內閣惠親王係朕之叔內廷召對與朝會迥不相同若動輒叩拜與諸臣略無區別朕心實有不安嗣後除朝會大典仍遵定例行禮其尋常召對以及三年後內廷宴會均無庸叩拜至 宮中祭 神賜食祭肉禮應向 上叩拜惟不必於朕前隨眾行禮遇有賞賜物件著具摺謝恩無庸當面叩首以示朕敬長親親之至意○己卯賞工部尚書杜受田太子太傅銜其父前任禮部侍郎瑋 御書扁額○庚辰諭內閣沿海各省設立水師營汛遇有洋匪竊發巡邏緝捕是其專責見據御史王本梧奏浙省水師廢弛已極兵則怠惰偷安官則因循推諉且有吸食鴉片煙者聞或按捕零星塞責遇大幫洋盜不敢過問等語水師營務積久廢弛勢所不免緝捕之要首在整飭舟船礮械嚴杜奸民接濟而總在將弁得人方足勵戎行而收實效著通飭沿海各督撫按照該御史所陳六條覈實辦理並督飭弁兵按期出洋會哨不准虛應故事 諭查明將弁中有怯懦無能視巡洋爲畏途 卽行據實嚴參懲治總期督率得人於巡邏緝捕認真講求庶盜風戢息商旅安行洋面可期靜謐矣將此通諭知之○辛巳諭軍機大臣等有人奏湖南寶慶賊匪滋事上年冬間疊據該撫馮德馨奏報剿辦情形均經 大行皇帝諭令安速剿辦勿使竄逸蔓延乃馮德馨不知仰稟 廟謨屢誤機會由長沙前往寶慶十二日之久僅行三百里該撫既畏葸不前以致官兵皆不用命賊眾直衝永州營之前鎮草營之後搶掠器械而逃兩營無一人敢攖其鋒又該撫於賊逃之後謬以收復城池入奏且言教官典史尙無下落殊不知兩學教官均在城內無恙是其於城內官之存亡亦不能探問眞確徒因賊眾已逃率以凱撤入奏歸途州縣辦差稍不如意大爲震怒及至後來賊勢復振乃倉皇自請處分各等語若如所奏馮德馨身任封圻於軍務緊急之時任意遷延貽誤匪淺著裕泰按照所奏情節逐款詳查據實參奏斷不准稍涉徇隱原摺著鈔給閱看至巡撫大員已經查辦其擁兵不行捕賊之武職大員更非尋常失事可比著卽遵 大行皇帝諭旨一面拏問嚴訊一面具奏馮德馨見已批准來京如有應質對之處著卽傳旨扣留裕泰見已馳抵軍營其應如何搜捕流匪諒必曾有成竹迅速辦理斷不可再失機會致令賊勢蔓延是爲至要將此密諭知之○召馮德馨來京以萬貢珍署湖南巡撫春熙署湖南布政使 由按察使署 ○壬午諭軍機大臣等裕泰馳奏逆匪復由廣西竄赴楚境暨貴州交界地方飛咨派兵防剿一摺據稱餘匪已竄入三省交界地方叢林峻嶺路徑分歧東奔西突此等賊匪且據見獲賊匪供稱匪黨已有一千數百餘人首要五人其首犯卽係李沅發若不會合兜擊必致蔓延爲患此次流匪已經廣西兩次堵截若使湖南兵勇得力何至蔓延裕泰已抵軍營責無旁貸不得聽信劣屬蒙稟遽謂匪徒四散仍當首先出力設法嚴剿並著鄭祖琛喬用邊迅速多派官兵不分畛域分投堵截一面多方曉諭散其會匪黨與毋任勾結苗獠並激勵紳勇懸賞購緝務將李沅發及首要各犯剋日殲擒如被脅之人有將要犯縛獻者除重賞外仍應量減其罪總期犯無漏網餘黨悉就殲除不至復有竄擾之虞方爲不負委任將此由五百里各諭令知之○癸未命恭纂 大行皇帝實錄○諭內閣陸建瀛奏請立限清查運庫一摺兩淮鹽務近年商引滯銷以致庫款支絀若竟任其那墊套搭必且寔成虧空亟應趕緊清釐確求辦法所有兩淮運庫款目准其子限半年

責成該督遴派委員逐款鉤稽仍令分別商欠官虧勒限從嚴參追不准稍有姑容該督職兼鹽政責無旁貸務當認真覈辦俾舊弊悉清新虧永杜以重帑項而肅蠹政○丙戌 上詣綺春園迎暉殿 大行皇太后几筵前行清明大祭禮○詣正大光明殿 大行皇帝几筵前行清明大祭禮○以杜翻為內閣學士由詹事選○庚寅諭軍機大臣等昨日據鄭祖琛閔正鳳馳奏楚匪竄擾戕害備弁逃回楚境仍飭兵勇追剿並將擒獲要犯先行正法一摺所辦甚屬可嘉湖南逆匪滋事疊次竄往廣西龍勝等處均經該省文武督率兵勇奮力攻擊屢有殲擒雖將備弁兵聞有傷亡究係認真堵禦迫險立功乃湖南省竟未剿捕疊經裕泰馳奏未據聲敘殲擒若干不過舉其大概情形鋪張聲勢一奏塞責是湖南將弁之不能調度兵勇之不能用命已可概見見在賊匪業已竄至湖南通道縣屬該處路通貴州若不亟籌堵剿深恐勾結苗獠蔓延日甚裕泰業已馳抵武岡州著仍遵前旨散其黨與激勵紳勇認真搜捕務將首要各犯迅就殲擒儻再遷延觀望任聽庸劣將弁畏葸不前貽誤事機試思統轄兩省實無旁貸其能當此重咎否耶至匪蹤逃逸靡定並著鄭祖琛喬用選閔正鳳各遵前旨多派弁兵分投截拏尤在杜其勾結庶可剋日殲除諒該撫等必能不失機宜也將此由四百里各諭令知之○諭寄諭伊犁將軍薩迎阿等御史張廷瑞奏新疆兵餉請酌量變通一摺新疆底定幾及百年歲調兵餉百餘萬該御史所奏屯田宜行開墾宜廣杜奸民之影射改換防之兵丁於國計民生大有關係著該將軍等將所陳四條通盤籌畫酌量變通會同妥議具奏原摺著鈔給閱看將此諭令知之○王辰頒 御筆覆答倭仁手詔示大小臣工曰夫言不逆耳不為諫今倭仁之言其庶幾然時異勢殊或有難於必行者如彼引程顥所云擇天下賢俊使得陪侍法從名雖甚善而實有難行賢俊之士或有才而無德日與習者非翰墨之場即馳騁之樂反不如以禮相接互相儆戒之為善矣至於所言辨君子小人之分洵為切直之言朕虛懷納諫嗣後凡大小臣工尤須以國計民生為重有所見聞剴切直陳以倭仁之直諫為法豈非朕之幸歟○諭軍機大臣等裕泰馳奏賊匪竄聚黔楚交界見復添調官兵並分派將領相機進剿一摺據稱賊匪大隊屢次衝突雖經該處兵勇殲擒多名該逆熟諳諸山徑屢從間道逸出焚搶村市戕害官兵等語該匪見已竄聚黔楚交界山內若不乘機堵剿致令四出奔突為害何可勝言惟統兵貴專責成軍餉尤應籌裕本日已由五百里寄諭調任提督向榮飭令兼程前赴軍營並飭徐廣綬等迅即籌撥銀二十萬兩委員星夜解交軍營以濟要需如兵力尙單應如何添調官兵著裕泰酌量檄調總期兵精糧足一鼓作氣掃蕩餘氛且有廣西貴州追擊堵截趁此機會四路進剿使該逆腹背受敵自無難聚而殲旃全在該督詳察形勢激勵弁兵紳士同心勦力勿失機宜勿存畏葸儻不知振作坐使逃竄蔓延糜餉勞師該督身罹重咎非惟無以對朕其何以副 皇考簡擢重任耶懷之勉之將此由五百里諭知裕泰並諭向榮知之○諭前已有旨著向榮調補湖南提督命其速赴新任見在湖南期匪軍務緊要該提督接奉此旨著即兼程迅速前赴湖南軍營毋稍遲滯○撥廣東司庫銀二十萬兩備湖南軍需○是月貧

駐紮災區江蘇京左等二十八營一季餉銀

三月癸巳朔恭上

大行皇太后尊諡曰

孝和恭慈康豫安成應天熙聖睿皇后

○兵部尚書保昌卒贈太子太傅子祭葬諡敬

僖○以柏後為兵部尚書

由左都御史遷

○甲午以恭上

孝和睿皇后尊諡禮成頒詔天下覃恩有差

○以花沙納為左都御史調瑞常

為吏部左侍郎恩華為兵部左侍郎廣林為工部左侍郎以瑞麟為禮部右侍郎

由內閣學士遷

○乙未詔各省實行保甲廣建社倉並整頓營務嚴除弊端

○丙申協辦大學士陝甘總督琦善奏懇節哀瀝陳下榻得旨爾惟於陝甘整政實力整頓破除積習

尤須慎爾廉隅慎終如始庶不負 皇考再造之恩未有己不正而能正人者勉之慎之○丁酉諭內閣御史陳枚奏病民積弊一

摺議吏之法以去害民者為先各省漕務積弊久經禁革如該御史所奏州縣不恤民困多有借催科為股削者當此整飭庶政之

時該督撫首當痛戒屬員務各節除痼習毋得浮收勒折與小民升斗相爭至鹽法先在恤商若以招商病民勢必望風退避於國

課殊有闕繫非大吏秉公嚴辦將何以整肅綱紀耶其尤為害民者莫如縱蠹縱賊兩端若不明察暗訪將貪劣玩縱之員嚴參民

何以安知有吏役把持公事以及盜賊窩藏著各督撫實力懲辦不得因循玩忽自干咎戾將此通諭知之○諭軍機大臣等有人

奏貴州苗匪肆劫上年十二月間有雲南舉人王湜等九人同行至黃平州遇苗匪百餘人持械攔截銀物一空家丁人夫並皆身

受械傷實錄黔省苗匪糾聚愈多不但商民時被劫殺且有焚掠鄉村淫擄婦女之事大吏意存消弭州縣瞻徇不理等語若如所

奏貴州地居窩遠苗匪抗官藐法擾害閭閻莫此為甚著飭用還接奉此旨迅飭文武員弁按照所奏情節嚴密偵緝務期賊匪並

獲大加懲辦其有聚眾滋事難以理論者並著設法解散勿令養癰貽患儻延案不辦仍致搶掠肆行即將辦理不善之地方官從

嚴參懲斷不准姑容取咎懷之慎之原摺著鈔給閱看將此諭令知之○辛丑諭內閣本日據裕泰由四百里馳奏官兵獲勝賊勢

窮蹙見在催兵防剿一摺據稱本年二月十四日賊匪竄靖州哨圍地方經護提督孫應照派令千總哈沁發等帶領兵勇槍械兼

施殲斃多名並生擒夥匪吳志全等二名十六日夜追至大石橋地方擊斃賊黨二十餘人生擒謝安南等十五人游擊李英等於

十九日馳抵地平突有賊匪四千餘人分作二隊撲擁前來我兵兩路夾攻賊始大潰共計斃賊數眾五百餘名見在賊多逃散勢

甚窮蹙等語該逆等始據城池抗拒官兵繼復肆行竄擾屢戕官兵殊堪痛恨見在我兵既獲勝仗正可乘此機會大振軍威肅除

黨與迅將首要各犯盡數追剿其脅從之人儻止隨行並無助虐之事務當迅明解散如有將脅從老幼割級獻功反致正賊漏網

一經發覺定將冒功之人治罪至剿辦初次得手尤須倍加小心斷不可因偶獲勝仗稍涉驕惰其專黔兩處防堵亦勿稍形弛懈

總期同心協力將賊匪剋日蕩平以靖邊圉而安黎庶○諭軍機大臣等本日據戶部遵議陸續建瀉奏准議興利除弊一摺據原擬

各條如按舊科則酌減外費酌復額引加帶乙鹽均以輕成本而恤疲商永禁整輪覈實岸費以及刪除繁文務歸簡易亦與從前

奏案相符至改捆鹽包以剔除弊混分年批補以調濟災商均屬妥協已依議行矣惟分岸運銷一層水販領照之後不由地方文

員

員